

Transkription von Urkunde HLM 1376a

Ort, Datierung: Helmstedt, 1376-11-01

Signatur: Stadtarchiv Helmstedt, Nr. 145 (140; 146)

Inhalt: Curt von Wendessum: Schuldbrief

Ek cūrt von wendessūm be kenne openbare mit dessem breue / dat ik schūldich bin bartolde von werberghe borghere to helmstede / vnde sinen rechten eruen vnde we dissē bref heft mit erem / willen dre lōdighe mark brunswikescher witte vnde wichte de ik / en be talen schal vnde wille in der stat to helmstede to dessem neghesten / to komenden paschen ane hinder vnde vortoch vnde an allerleye / argelist to grōterer wisneheyt hebbe ik en to bōrghen ghesat / langen borcharde von stenbeke vnde henninge von lōuwinge dit / loue ik cūrt von wendessem vorghenōmet sakwoldighe vnde / lange borchart von stenbeke vnde henning von lōuwig borghen / ok vorghenomet intruwen stede vnde vast to holdene ane hinder vnde vortoch ane inual ane hūlperede vnde ane allerleye arghe/list vnde jo mit samder hant vnde dat dit stede vnde vast ghe/holden w(er)de be tūghe we mit vnsen anhangē(n)den ingheseghelen / de we witliken vnde mit ghudem willen hebben ghe henget / laten an dessen bref de ghe gheuen js na der bort goddes dūsent / jar vnde dre hūndet jar in dem sesten vnde seuentighesten jare / in alle goddes hilghen daghe